



VIVAT REX,

10/10. m. 40
5

Seu

Προστυκτικόν pro incolumitate Serenissimi Regis

CAROLI,

MAGNÆ BRITANNIÆ, FRANCIÆ ET

HIBERNIÆ REGIS, FIDEI DEFENSORIS,

Ejusque felice in Scotiâ inauguratione.


CICERO.

Vita brevis, cursus gloria semperernus.



ABREDONIÆ,

Excudebat EDWARDUS RAZANUS. 1633.






SERENISSIMO REGI,

Dum Pergusiadum diademate sidera tangis,
Et stabili firmas sceptras paterna manu;
Incertum Primus venias, Magnusne Britannis
CARLUS, an hinc geminus Rex tibi surgat honos?
Es Primus, meritisque nites ita Magnus ab Arcto
Laudibus, ut seculi sis Cynosura Tui.

Majestati Tuæ

Servus obsequentissimus,

DAVID WEDDERBURNUS.





V I V A T R E X.



FAte age Calliope summum concede laborem
Hunc mihi, sis nostræ quâvis in vota senectæ
Difficilis, CARLI Regis tamen ardua virtus,
Adventusq; animos revocet vegetetq; priores.
Tuq; adeò Rex magne novas Tu fronte serenæ
Sufficis hic vires: duce Te vel ad edita Pindi

Culmina quis celeri dubitet contendere gressu?
Te duce gens sese jactans Fergusia festas
Passim agitat secura dies; renovatque canoro
Lætitiam fremitu vox hæc solennis, Avitum
Magne tibi, Rex magne tuis Diadema perennet.
En ut te reducem Proceres gratentur, ut una
Omnibus hîc mens sit: populi tot gaudia, tantos
Adspice concursus. Regi pia pectora cernis,
Et genti devota suæ; quæ Martis alumnos
Dum parit, audet opes contemnere, terque quaterque
Rege suo felix, DEUS hæc modò vota secundet,
Magne tibi, Rex magne tuis Diadema perennet.

Si genus immortale tuum, meritosque triumphos,
Et proavûm repetas fastos ab origine primâ,
Huic nullum diadema videt par Phœbus, ab undis
Seu medium subvectus equis petit ætheris axem,
Seu maris occiduas rursus se condit in undas.
Quippe per innumeros Fergusi missa nepotes
Sceptra tenes, quis nulla dies sine vindice ferro
Dedecus attraxit, minuitve ingloria laudem.

Diadema-
tis emi-
nentia.

Scotorum
Trophæa.

Exemplis cum certa fides illustribus adsit,
Pauca canam, rerumque sequar fastigia summa.
Cimbrorum Europam tempestas quanta per omnem
Sævierit quondam memor usque est Gallia, Gallis
Finitimique Angli: Cimbro tamen inclyta Regum
Scotigenum virtus domitos dare terga coegit.

Quid loquar antiquos, quorum gens eruta, Pictos?
Sæpe Caledoniis vicinam pellere gentem
Finibus est conata manus malefida; sed ausus
Hos luit æternâ tandem subversa ruinâ.

Quid Brito potuit? quamvis molimine magno
Undique ferratas acies objecerit hosti.

Quid qui depositis armis jam Rege sub uno
Concordi coiere jugo, fraternaue fratres
Pectora promeriti renoyant Saturnia secla?
Quod fessum me Roma rapis? quas ære phalanges
Cernere fulgentes videor? Regumque Ducumque
Quas strages, fusoque undantem sanguine Fortham?
Tot tamen hos casus, hæc tot discrimina belli
Vicit amor Patriæ, famæque innata cupido.
Sic tibi Rex, sic magne tuis diadema perennet.

Scotiæ Re-
ges mag-
nanimi.

Ecce Iamesoni tabulam pictoris! ab alto
Sanguine Fergusi proavos per stemmata pictos?
Eminet ipse Pater: series animosa superne
Eminet: hinc nati subeunt, subit æmula virtus
Lætæque Majorum sese diademate cingit.

O diadema omnis meriti vis ipsa! corona
Magni animi! Regumque decus, qui fortibus armis
Eminuere. Habeat primas sibi Romulus ille
Scotorum: haud longo cui proximus intervallo
Carratacus, fidens animi atque in utrumque paratus,
Seu domitare hostem, seu certæ occumbere morti.
Mox Corbredus adest aquilæ contemptor, & audax
Eugenius, belli duo fulmina, dispare quamvis
Fortunâ. Quantus prodit Fergusius alter?
Omni jam positâ spe libertatis in arcto.

Iam Patriâ amisâ. Vicit tamen ira Leonis.

Sic tibi Rex, sic magne tuis diadema perennet.

In nostrum fabricata fuit quæ machina nomen,
Hâc ruit in Pictos Pictis acerrimus hostis
Kennethus: finemque malis gentique nefandæ
Funditus eversæ supremam fecit; Avitum
Magne tibi, Rex magne tuis diadema perennet.

Brussius hoc quondam redimitus tempora, fati
Turbine, fortunæque omni discrimine major
Floruit. En clypeos confertos agmine denso,
Oppositaque hastis hastas: per tela, per enses
Fit via vi; victos pariter pudor iraque mista
Victoresque animant. Tandem tamen altior Heros
Hostibus & nulli veterum virtute secundus
Vincit, & intactum regni sibi servat honorem.
Sic tibi Rex, sic magne tuis diadema perennet.

Iustitiane prius mirer, belline laborum
Quos Proavi cum laude tui Rex magne tulere?
Signa oculis Mainum, Finnanum; nomina prisca,
Non mage prisca tamen quâ magna. Hic secula regnis
Digna tuis Princeps, Themis hic Themis ipsa triumphat
Utque, Metellanus sapiens cum prodit: Evenus
Cum curru invehitur, Rex servantissimus æqui.
His addunt sese comites Congallus, Ederus,
Eufiaus, Conranus, Achaius autor amicus
Foederis immoti, Scoto quo Gallus amore
Æterno est junctus, radios dum Phœbus ab Indo
Littus ad Hesperium rutilo transfuderit axe.
Sic tibi Rex, sic CARLE tuis diadema perennet.

Iusti,

Adde quod à primis seclis diadema dicatum
Iam tibi sacravit Reges pietatis amore
Illustres: Diadema pii sceptrumque Donaldi
Adspice: clausa prius prior hic patefecit olympi
Limina, sub leges totum cum mitteret orbem
CHRISTUS & inferni premeret pede colla tyranni
Tum verò Druides procul excessere, ruitque

Pâ.

Vana superstitio, veræque ignara salutis.

Hæc firmo Cratiline premis vestigia gressu.

Te Fincormachius sequitur. Dongardus ab alto
Præfulibus sacris sacrum parat inde tiaram.

David opes amplas superaddidit, ampla que passim
Prædia, perque omnes nemorosa palatia fines.

Quid? quid tot memorem Reges? cognominis aura

Sufficit una tui. Steuartos pectore conde;

Progeniem imperiis natam & felicibus auctam

Auspiciis, omni que genus memorabile seclo.

Jacobus
pacificus.

Quos quibus anteferam? Genitor tuus ille suorum
Sextus Atlas proavum, laudes supereminet omnes.

Hic est, hic nempe est, Regum cui prima voluptas

Discordes vincere animos: qui bella perofus

PACIFICUS dici meruit, semperque merebit.

Potentissi-
mus Mo-
narcha Ca-
rolus.

Hoc Tu progenies felix Genitore; Britanni

Quæcunque immenso pelago circumdata cernunt

Littora, quicquid agri fecundam ditat Iernen,

Inris id esse Tui iussit, Tibi subdidit uni,

Uni tergeminos voluit submittere fascēs.

Vnio.

Velle aliis, Tibi posse datum, tria foedere regna

Iungere solenni, quod non abolere vetustas

Ulla queat; toto nos dividet orbe Britannos

Dum mare, dumque polus radiantia sidera pascet.

Sic tibi Rex, sic magne tuis diadema perennet.

Ecce gregem CHRISTI studia in contraria scissum.

Nullus in
Ecclesiâ
controver-
sarum
modus.

Idque pii & quorum melior sententia menti

Usque gemunt, frustra que gemunt, nisi provida Regum

Cura tot ingeniis plusquam petulantibus arcta

Vincla parer, rixisque modum lex publica ponat.

O miseræ parteis! Peperit quas Livor ab Orco

Tartareisque Erebi tenebris emissus ad auras

Æthereas, quas auxit amor sceleratus habendi,

Ambitioque levis, dum sobrietatis amorem

Excudit & cœcas agit per inania mentes.

Ast quid ego hæc? tristes procul hinc procul ite querelæ

Candida

Candida Pax placidè niveis huc advolat alis.

Nuntia lætitiæ lux hæc diadema patrum
Exhibet, exhibeat tibi Pacis amabile nomen.
Pacificique piè soboles Patris æmula, perge
Quà pacis te ducet amor. Salebrosa paranti
Ire via & variis est circumfusa periclis;
Perge tamen. Virtus tua te perque horrida tesqua,
Perque tot anfractûs clivosi tranitis, arcem
Eveniet ad celsam Pacis: Teque auspice, dura
(Sic eadè) positis mitescent secula bellis.

Parænesis
ad Pacem
Ecclesiasti-
cam.

Semita pacis habet veterum vestigia Patrum,
Quæ quicunque premit, non veri effœta moratur
Somnia, quæ finxit pravè sibi credulus error.
Quicquid cana fides, primæva Ecclesia quicquid
Tradit, in hoc jurat, seseque huic mancipat uni.
Sic, præfracta licet, coalescent pectora; stirpe
Sic florentis amor pacis revirescet ab imâ.

Pacis amor terris per te revirescet, honoris
Hunc apicem Superum Rector tibi destinat uni.
Adspice quot terræ fueris pelagique periclis
Defunctus, cum Te vidit tua Gallia, cum Te
Duxit ad occiduas juvenem Tagus aurifer undas.
Sorte tua o nimium felix! cui sternitur æquor,
Et celeres jussi veniunt ad carbasa venti.
Sic tibi Rex, sic magne tuis diadema perennet.

Est ea Rex animi pietas tibi, gratia formæ,
Integritas vitæ, solidæ fundamina pacis
Ponere quæ valeat, sanctumque æquare laborem.
Namque alios, primo floret dum vere juvena,
Primaque dum validis adolescit viribus ætas,
Cœca voluptatis luxûsque in retia cœcos
Præcipitesque trahit, furiatque insana libido.
Tu, Rex usque tui, virtiis procul omnibus, omæ
Fers punctum, vivaxque omnis virtutis imago es.
Sic tibi Rex, sic magne tuis diadema perennet.

Inde thori consors, genus alto a sanguine Regum,

Magnanimūque Ducum, pulchrā te prole Parentem
Fecit, vt ad feros mittat tua Sceptra Nepotes.

Nec sola hæc animi decorant te præmia casti,
Ornat & alta quies. Omnem en bella, horrida bella,
Implicuere orbem, primo quā Gangis ab ortu
Axe refert lucem Phoebus, conditve relata.
At Tibi CARLE DEUS clementior otia fecit,
Tuque tuis. Placidè sub aviti culmine tecti
Conjugis amplexu fruitur, dulcique nepotum
Agmine gaudet agri vacuus formidine cultor.
Cultorisque comes pastor per amœna vireta
Notorum nemorum, patulæque sub arboris umbrā
Carminibus celebrat patriis Amaryllidis igneis.

Interea ominibus Proceres, votisque secundis
Adventumque sui Regis, Satrapasque verendi
Quotquot honoratos legarunt undique Reges,
Et Comitum illustres, densas Equitumque catervas
Excipiunt; citreas famuli longo agmine mensas
Exstructis onerant dapibus, veterisque Lyæi
Pocula, magnorum Proavū monumenta, reponunt.
Hinc laeta inter se læti convivia curant.
Postquam est facta quies epulis, mensæque remotæ
Ordine quisque suo (Regi tamen ante salutem
Et fortunatæ soboli, triplicique precatus
Imperio) pateras spumantes haurit & inde
Te vocitat: resonant plausūs juvenumque senumque,
Altaque respondent laquearia carmen, Avitum
Magne Tibi, Rex magne Tuis diadema perennet.

Insuper & civeis hilarat præsentia Regis
Expectata diu. Tibi portas pandit EDINA,
Multiplicique Tui, sub imagine, pingit amorem.
Hic juga Parnassi viridantia carmina mille
Aonidum, vocum mulcent discrimina mille.
Fulminaque ingeminant arces, sonituque tremendo
Hinc atque hinc auræ reboant, lætusque tubarum
Alternansque modos ferit aurea sidera clangor.

Vincat

Vincat EDINA, loci vincat potioris honore;
 Regis amore tamen nunquam, mihi crede, sorores
 Vicerit illa suas. TAIDES nostri inclyta Regni
 Gloria Te Regem pronæ Dominumque salutant.
 At quæ tecta DEÆ vitreis sub fluminis undis
 Pumice strata colunt Nymphæ, ditissima gemmis
 Quæque fluenta regunt DONÆ, tibi seque suosque
 Devovere uni. Comes his ABREDONIA, dulci
 Dulce tuo quondam Genitori nomen, ab uno
 Te pendet, Regemque suum te suspicit unum.
 Hic tibi felicem CONCORDIA ponit olivam,
 Unanimesque fovet sub amico fœdere civeis:
 Festa quibus lux ista nitet, dum vina coronant,
 Dum cum virginibus matres, puerique choreis
 Indulgent agiles; tensisque ad sidera palmis
 Pro Te, proque Tuis, dictis his æthera complent.

Sancte Pater Superum meritis tibi pendere grates
 Non opis est nostræ; fruimur quod Principe, Princeps
 Quod rutilante aravum diademate tempora cinctus
 Pacifici Patris solio jus dicit ab alto:
 Quod placidis sperata quies nos protegit alis,
 Muneris omne tui est. Ævum da duret in omne
 Sors hæc alme Parens, & per vestigia terras
 Dum sua Sol ambit, tenebras dum sidera noctis
 Discutiunt, votis his annue mitis, Avitum
 Magne Tibi, Rex magne Tuis diadema perenner.

D. W.

